

Parlamento Nacional

Boletim informativo -6#. dezembro de 2018

Embaixador China halo reunião ho Presidente do Parlamento Nacional



Embaixador Extraordinário no Plenipotenciário República China nian iha Timor Leste, Xiao Jianguo, ho nia equipa sira halo reunião dahuluk ho Presidente do Parlamento Nacional, Arão Noé de Jesus da Costa Amaral, iha lora 5 fulan dezembro tinan 2018, iha gabinete Presidente Parlamento Nacional nian.

Iha reunião dahuluk ne'e Embaixador ho nia equipa congratula Presidente do Parlamento Nacional ho membro da Mesa sira V Legislatura nian, no discuti kona-ba continuação ba cooperação bilateral entre nação rua ne'e iha futuro, liuliu ho Parlamento Nacional.

Embaixador China mós hato'o agradecimento ba delegação Deputado sira Parlamento Nacional ne'ebé fó apoio ba candidato República China nian iha Comissão Executivo ba período tuir mai iha Assembleia União Interparlamentar.

Iha biban ne'e Presidente do Parlamento Nacional

Boletim Informativo Parlamentar

mós agradece ba apoio tomak hussi República China nian durante ne'e hodi apoio desenvolvimento nacional, no hussu atu continua iha futuro mai.





Parlamento Nacional

Boletim informativo -6#. dezembro de 2018

Loron dahuluk debate OGE 2019 iha Generalidade

Parlamento Nacional liu hussi Plenária extraordinária, iha loron 6 fulan dezembro tinan 2018, hahú ona halo discussão ba Proposta de Lei n.o 3/V (1a) - Orçamento Geral de Estado (OGE) 2019 iha Generalidade.

Discussão OGE ne'e hahú iha 15h20 ho abertura Hino Nacional, no continua kedas leitura ba agenda no guião hussi Presidente do Parlamento Nacional, Arão Noé de Jesus da Costa Amaral.

Hafoin ida-ne'e, Primeiro-Ministro, Taur Matan Ruak, apresenta Proposta OGE 2019 nian, ne'ebé sita prioridade sira iha Proposta OGE ne'e.

Proposta OGE 2019 hamutuk 1.827 milhões ne'ebé fahe ba Salários e Vencimento \$ 214,046 milhões, Bens e Serviços \$478,262 milhões, Transferências Publicas \$ 705,117 milhões, Capital Menor \$29,401 milhões, no Capital de Desenvolvimento \$400,173 milhões.

Hafoin apresentação proposta, Comissão C ne'ebé trata assuntos Finanças Publicas apresenta relatório no parecer comissão nian kona-ba Proposta OGE 2019 nian.

Discussão loron dahuluk ne'e termina iha 18h31 no sei continua iha loron 10 fulan dezembro tinan 2018. Debate OGE ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro Mesa sira no

hetan presença hussi Primeiro-Ministro Taur Matan Ruak, no membro sira Governo nian.



Presidente Parlamento Nacional participa iha Seminário Nacional hodi Comemora Loron Mundial ba Anti Corrupção

Presidente do Parlamento Nacional, Arão Noé de Jesus da Costa Amaral, acompanha hussi Deputada Elvina Sousa de Carvalho, participa iha Seminário Nacional hodi Comemora Loron Mundial Anti Corrupção, iha loron 9 fulan dezembro tinan 2018, iha Município Aileu.

Iha seminário ne'e Presidente do Parlamento Nacional hateten Estado Timor-Leste iha compromisso boot hodi combate no contra corrupção, tanba corrupção bele estraga Estado no povo nia moris.

Compromisso ida-ne'e hatudu liu hussi retificação ba Convenção Nações Unidas nian kona-ba contra corrupção ne'ebe Parlamento Nacional aprova iha loron 27 fulan março tinan 2009, inclui lei sira seluk hodi minimiza caso corrupção.

Notícias em Destaque

Participa iha seminário ne'e mak hanessan Presidente do Parlamento Nacional, Ministro da Justiça, representante gabinete Primeiro-Ministro, Embaixador sira, Administrador Município Aileu, Estudante sira inclui convidado sira seluk.

Seminário ne'e organiza hussi organização ONG Lalenok ba Ema Hotu (LABEH) parceria ho Embaixada Austrália no Centro Juventude Município Aileu.



Loron daruak discussão OGE 2019 iha Generalidade

Parlamento Nacional iha loron 10 fulan dezembro tinan 2018 continua halo debate ba Proposta de Lei no.o 3 /V (1a) - Orçamento Geral de Estado 2019 nian iha Generalidade.

Discussão ba loron daruak ne'e hahú iha 09h30, ho leitura ba agenda trabalho nian, no tuir halo voto de congratulação 70 anos das Declaração Universal Dos Direitos Humanos, ho 61 votos a favor, 0 contra no 0 abstenções.

Hafoin votação, Primeiro-Ministro, Taur Matan Ruak, fó kedas resposta kona-ba relatório no parecer Comissão C. Bancada FRETILIN no PD mós hato'ó declaração politica kona-ba OGE 2019 no política Governo nian.

Presidente Parlamento Nacional, Arão Noé de Jesus da Costa Amaral, continúa fó tempo ba Deputado sira hodi hato'ó declaração liga ba OGE 2019 no programa Governo nian ne'ebé hetan kedas resposta hussi parte Governo liu hussi Primeiro-Ministro.

Discussão ne'e encera iha 18h06 no sei continua iha loron 11 fulan dezembro tinan 2018. Sessão discussão ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro Mesa sira no hetan presença hussi Primeiro-Ministro, Taur Matan Ruak, no membro sira Governo nian.

Notícias em Destaque

Estudante CAFE halo visita ba Parlamento Nacional

Estudante sira hussi Centro Aprendizagem Formação Escolar (CAFE) hussi Município Manufahi, iha loron 11fulan dezembro tinan 2018, halo visita guiada ida ba Parlamento Nacional.

Objetivo hussi visita ne'e atu hatene lala'ok no funcionamento Parlamento Nacional nian tuir Constituição RDTL.

Durante visita, Diretor Apoio Parlamentar, Armando Machado, explica ba estudante sira kona-ba funcionamento segundo órgão soberano ida-ne'e ho nia composição da Mesa, bancada parlamentar inclui comissão especializada permanente sira.

Iha visita ne'e mós estudante sira observa diretamente sala Plenária ne'ebé Deputado sira usa hodi halo discussão ba assunto Estado nian.

Estudante hirak ne'ebé hala'o visita ne'e hamutuk na'in 19 acompanha hussi professor sira.



Presidente Parlamento Nacional halo reunião ho Primeiro Secretaria Embaixada Françan



Presidente do Parlamento Nacional, Arão Noé de Jesus da Costa Amaral, acompanha hussi Vice-Secretária da Mesa Deputada Regina Freitas, halo reunião ho Primeiro Secretaria da Embaixada França, Pierre Vincent, iha Gabinete Presidente do Parlamento Nacional, iha loron 11 fulan dezembro tinan 2018.

Iha reunião ne'e, Primeiro Secretaria da Embaixada França informa ba Presidente do Parlamento Nacional kona-ba plano estabelecimento Embaixada França iha Timor Leste iha fulan fevereiro tinan 2019, nune'e bele hala'o cooperação entre nação rua ho eficiência.

Ho plano ida-ne'e, iha tempo badak Embaixador Franca ba Timor Leste sei halo visita ba Parlamento Nacional hodi hassoru malu ho Presidente do Parlamento Nacional, hodi discute kona-ba prioridade hirak ne'ebé

Notícias em Destaque

bele realiza ona.

Presidente do Parlamento Nacional aprecia ho esforço Embaixada França nian hodi halo cooperação ho Timor-Leste, no cria amizade entre nação rua ne'e.



Loron datoluk debate OGE 2019 iha Generalidade.

Parlamento Nacional iha loron 11 fulan dezembro tinan 2018, continua debate Proposta Orçamento Geral do Estado 2019 iha generalidade.

Debate ba loron datoluk ne'e hahú iha oras 09h30 ho leitura ba agenda trabalho nian, no continua kedas ho intervenção hussi Deputado sira kona-ba Proposta OGE 2019 nian inclui programa no politica VIII Governo nian no hetan kedas resposta hussi Primeiro-Ministro, Taur Matan Ruak.

Iha sessão ne'e mós Presidente do Parlamento Nacional informa ba Deputado sira atu apresenta proposta sira antes hakat ba debate iha especialidade.

Iha parte lokraik, sessão discussão ne'ebé preside hussi Presidente do Parlamento Nacional em exercício, Deputada Maria Angelina Sarmento Lopes, continua fó tempo ba Deputado sira hodi halo intervenção antes fó tempo ba Primeiro-Ministro hodi resposta no hakat ba votação.

Sessão discussão ne'e encera iha 19h20 no sei continua iha loron 12 fulan dezembro tinan 2018, hodi hakat ba votação iha generalidade ba Proposta OGE 2019 ne'e.

Notícias em Destaque

Parlamento Nacional aprova ona OGE 2019 iha Generalidade



Parlamento Nacional liu hussi reunião Plenária extraordinária iha loron 12 fulan dezembro tinan 2018, aprova ona Proposta Orçamento Geral de Estado 2019 nian iha generalidade, ho 40 votos a favor, 25 contra no 0 abstenções.

Antes hala'o votação, bancada parlamentar sira hato'o declaração bancada nian kona-ba Proposta OGE 2019 inclui politica VIII Governo Constitucional nian.

Proposta OGE ba 2019 hamutuk 1.827 milhões ne'ebé fahe ba Salários e Vencimento \$ 214,046 milhões, Bens e Serviços \$478,262 milhões, Transferências Publicas \$ 705,117 milhões, Capital Menor \$29,401 milhões, no Capital de Desenvolvimento \$400,173 milhões.

Hafoin aprovação iha Generalidade, iha parte loraik continua kedas halo discussão ba especialidade.

Debate OGE ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro Mesa sira no hetan presença hussi Primeiro-Ministro Taur Matan Ruak, no membro sira Governo nian.

Parlamento Nacional aprova ona OGE ba Presidência da Republica iha Especialidade

Parlamento Nacional liu hussi reunião Plenária extraordinária, iha loron 12 fulan dezembro tinan 2018, hahú ona halo debate ba Proposta Orçamento Geral de Estado 2019 nian iha especialidade.

Debate ba especialidade ne'e hahú iha 15h45 hafoin aprovação Generalidade iha parte dadeer.

Iha debate ne'e hahú ho aprovação ba artigo 1 kona-ba definição, ho 38 votos a favor, 2 contra no 21 abstenções. No liu hussi discussão naruk, Deputado sira aprova ona orçamento ba Presidência da República ho 48 votos a favor, 1 contra no 17 abstenções, ho total orçamento \$7,567 milhões.

Discussão ne'e encera iha 18h40 no sei continua iha loron 13 fulan dezembro tinan 2018 hodi discute ba orçamento órgão soberano seluk.

Debate OGE ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira no hetan presença hussi Primeiro-Ministro, Taur Matan Ruak, no membro sira Governo nian.

Motorista sira Parlamento Nacional nian Participa iha Formação Básico Primeiro Socoró hussi CVTL

Motorista sira Parlamento Nacional nian participa iha Formação Básico Primeiro Socoró hussi Cruz Vermelha de Timor Leste (CVTL).

Formação ne'e hahú iha loron 13 to'o 15 fulan dezembro tinan 2018, iha edificio Catholic Relief Services (CRS) Mandarin Díli.

Diretora Recursos Humanos Parlamento Nacional, Idalina M. Pereira Guterres, agradece ba CVTL ne'ebe serviço hamutuk ho Parlamento Nacional hodi facilita treina-

Notícias em Destaque

mento básico primeiro socoró ba motorista sira.

Treinamento ne'e importante tebes nune'e hussu ba motorista sira atu aproveita ho didi'ak nune'e bele implementa karik acontece desastre ruma.

Mateira hirak ne'ebe apresenta iha formação ne'e mak hanessan; pre-test conhece malu, introdução primeiro socoró, principio ação emergência, pratica principio ação emergência, no seluk tan.



Debate OGE iha Especialidade contnua aprova orçamento ba órgão soberano seluk

Parlamento Nacional iha loron 13 fulan dezembro tinan 2018, continua halo discussão ba Proposta Orçamento Geral do Estado 2019 iha especialidade.

Iha continuação debate ne'e aprova ona orçamento ba Parlamento Nacional ho 40 votos a favor, 3 contra no 22 abstenções no orçamento ba Primeiro-Ministro nian ho 41 votos a favor, 1 contra no 21 abstenções.

Além de ne'e, aprova mós orçamento ba Ministro do Estado e da Presidência do Conselho de Ministro, no Secretaria de Estado para a Igualdade e Inclusão.

Durante debate iha mós proposta de alteração no aditamento liga ba orçamento órgão sira-nian.

Discussão ne'e encera iha 18h30 no sei continua iha loron 14 fulan dezembro tinan 2018, hodi discute no aprova OGE ba órgão sira seluk.

Debate ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira no hetan presença hussi Primeiro-Ministro, Taur Matan Ruak, no membro sira Governo nian.

Notícias em Destaque

Parlamento Nacional continua aprova orçamento ba ministério sira iha especialidade

Parlamento Nacional, iha loron 14 fulan dezembro tinan 2018, continua halo debate ba Proposta Orçamento Geral de Estado 2019 nian iha especialidade. Continuação debate OGE iha especialidade ne'e hahú iha 09h30 ho leitura ba agenda trabalho no leitura ba proposta de alteração sira.

Iha discussão ne'e aprova ona orçamento Ministro Coordenador dos Assuntos Economia ho 41 votos a favor, 3 contra no 20 abstenções.

Aprova orçamento ba Secretária de Estado da Formação Profissional e Emprego, ho 29 votos a favor, 5 contra no 18 abstenções, Secretaria de Estado de Cooperativas, ho 38 votos a favor, 12 contra no 12 abstenções, Secretária de Estado do Ambiente, ho 43 votos a favor 5 contra no 14 abstenções, Ministério da Reforma Legislativa e dos Assuntos Parlamentares, Incluindo SECS, Ministério da Reforma Legislativa e dos Assuntos Parlamentares, Excluindo SECS, e Secretaria de Estado para a Comunicação Social, ho 38 votos a favor, 7 contra no 15 abstenções.

Discussão ne'e encera iha 19h07 no sei continua iha loron 15 fulan dezembro tinan 2018, hodi discute no aprova orçamento ba ministério seluk iha especialidade.

Debate ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira no hetan presença hussi Primeiro-Ministro, Taur Matan Ruak, no membro sira Governo nian.

Parlamento Nacional aprova OGE ba Ministério das Finanças iha Especialidade

Parlamento Nacional iha loron 14 fulan dezembro tinan 2018, continua halo discussão ba Proposta Orçamento Geral de Estado 2019 iha especialidade.

Iha discussão ne'e aprova ona Orçamento ba Ministério das Finanças ho 40 votos a favor, 2 contra no 21 abstenções.

Durante debate iha mós proposta de alteração no aditamento liga ba ministério ida-ne'e.

Discussão ne'e encera iha 19h00 no sei continua iha loron 16 fulan dezembro tinan 2018, hodi discute no aprova OGE ba órgão sira seluk.

Debate ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira no hetan presença hussi Primeiro-Ministro, Taur Matan Ruak, no membro sira Governo nian.





Notícias em Destaque

Parlamento Nacional continúa aprova Orçamento ba ministério sira iha Especialidade

Parlamento Nacional, iha loron 17 fulan dezembro tinan 2018, continua halo debate no aprova ba Orçamento Geral de Estado 2019 nian iha Especialidade. Debate ne'e loke hussi Presidente do Parlamento Nacional, Arão Noé de Jesus da Costa Amaral, iha 09h30 ho leitura ba agenda trabalho no proposta de alteração sira liu hussi Secretária da Mesa, Deputada Maria Terezinha Viegas.

Hafoin leitura ba proposta de alteração sira, fó kedas tempo ba Deputado sira hodi fundamenta proposta no pergunta ba Governo ne'ebé hetan kedas resposta hussi parte Governo.

Nune'e liu hussi discussão naruk, halo ona aprovação ba Orçamento Dotação para todo o Governo ho 40 votos a favor, 9 contra no 15 abstenções; Ministério dos Negócio Estrangeiros e Cooperação, ho 43 votos a favor, 1 contra no 18 abstenções no Ministério da Justiça, ho 39 votos a favor, 1 contra no 21 abstenções. Reunião ne'e encera iha 19h20 no sei continua halo discussão no aprovação ba orçamento ministério sira seluk iha loron 18 fulan dezembro tinan 2018.

Debate ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira no hetan presença hussi Primeiro-Ministro, Taur Matan Ruak, no membro sira Governo nian.

Parlamento Nacional continua debate no aprova OGE 2019 iha Especialidade

Parlamento Nacional, iha loron 18 fulan dezembro tinan 2018 continua halo debate no aprova Orçamento Geral de Estado 2019 nian ba ministério sira iha Especialidade.

Debate ne'e loke hussi Presidente do Parlamento Nacional, Arão Noé de Jesus da Costa Amaral, iha 09h16 ho leitura ba proposta de alteração sira hussi Secretária da Mesa, Deputada Maria Terezinha Viegas.

Hafoin leitura ba proposta sira, fó kedas tempo ba Deputado proponente sira hodi fundamenta proposta sira no hetan kedas resposta hussi parte Governo.

Liu hussi discussão naruk, aprova ona Orçamento ba Ministério da Administração Estatal, ho 40 votos a favor, 1 contra, no 24 abstenções; Ministério de Saúde, ho 42 votos a favor, 1 contra, no 21 abstenções; Ministério da Educação, Juventude e Desporto incluindo SEJD, Ministério da Educação, Juventude e Desporto Excluindo SEJD, ho 42 votos a favor, 0 contra, no 24 abstenções; Ministério do Ensino Superior, Ciência e Cultura Incluindo SEAC, Ministério do Ensino Superior, Ciência e Cultura Excluindo SEAC, ho 37 votos a favor, 0 contra, no 21 abstenções; Ministério da Solidariedade Social e Inclusão, ho 44 votos a favor, 0 contra, no 17 abstenções; Ministério para os Assuntos dos Combatentes da Libertação Nacional, ho 54 votos a favor, 0 contra, no 7 abstenções; no Ministério do Planeamento e Investimento Estratégico, ho 40 votos a favor, 1 contra, no 22 abstenções.

Debate ne'e encera iha 19h45 no sei continua iha loron 19 fulan dezembro tinan 2018 hodi continua

Notícias em Destaque

discute no aprova ba OGE 2019 iha Especialidade.

Debate ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira no hetan presença hussi Primeiro-Ministro, Taur Matan Ruak, no membro sira Governo nian.



Parlamento Nacional aprova Orçamento ba Ministério das Obras Públicas iha Especialidade

Parlamento Nacional iha loron 19 fulan dezembro tinan 2018, continua halo debate no aprovação ba Proposta Orçamento Geral do Estado 2019 nian iha Especialidade.

Debate ne'e hahú iha 09h20 loke hussi Presidente do Parlamento Nacional, Arão Noé de Jesus, hahú ho leitura ba agenda do trabalho no leitura ba Proposta de Alteração sira hussi Secretária da Mesa, Deputada Maria Terezinha Viegas.

Hafoin leitura, Presidente do Parlamento Nacional fó tempo ba Deputado Proponente sira hodi aprofunda sira nia proposta no hetan kedas resposta hussi Governo.

Nune'e liu hussi discussão naruk aprova ona orçamento ba Ministério das Obras Públicas, ho 43 votos a favor 2 contra no 20 abstenções.

Debate ne'e encera iha 19h02 no sei continua halo discussão no votação ba orçamento ministério sira seluk iha loron 20 fulan dezembro tinan 2018.

Discussão ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira no hetan presença hussi Primeiro-Ministro, Taur Matan Ruak, no membro sira Governo nian.

Notícias em Destaque

Motorista Parlamento Nacional finaliza ona formação



Motorista sira Parlamento Nacional nian, iha loron 19 fulan dezembro tinan 2018, finaliza ona sira-nia formação kona-ba primeiro socoró durante semana ida, ne'ebé oferece hussi Cruz Vermelha de Timor-Leste (CVTL).

Durante treinamento motorista sira aprende liu kona-ba oinsá atendimento primeiro socoró bainhira acontece desastre ruma, simulação ba desastre ruma no seluk tan.

Chefe interino de Desenvolvimento Recursos Humanos Parlamento Nacional, Joaquim Vicente, iha enceramento ba treinamento básico primeiro socoró ne'e agradece ba CVTL ne'ebé fahe ona conhecimento ba motorista sira Parlamento Nacional nian, nune'e bele implementa bainhira acontece desastre ruma.

Secretário Geral CVTL, Januário Ximenes, hateten treinamento ba primeiro socoró ne'e realiza tan-

ba serviço hamutuk entre Parlamento Nacional no CVTL, no hussu ba motorista sira atu bele implementa bainhira acontece desastre ruma.



Notícias em Destaque


Embaixador Austrália halo reunião ho Presidente do Parlamento Nacional



Embaixador Austrália iha Timor-Leste, Peter Robert, halo reunião ho Presidente do Parlamento Nacional, Arão Noé de Jesus da Costa Amaral, iha loron 20 fulan dezembro tinan 2018, iha Gabinete do Presidente do Parlamento Nacional.

Iha reunião ne'e ko'alia kona-ba programa intercâmbio entre Parlamento Nacional Timor-Leste ho Parlamento Austrália iha futuro, nune'e tuir plano Deputado sira sei halo visita ida ba Parlamento Austrália iha tina oin hodi ko'alia kona-ba programa feto suporta feto nune'e bele hamossu lei kona-ba assunto feto iha nação rua ne'e no hametin relação di'ak entre grupo Feto Parlamentar Timor Leste no Austrália.

Presidente do Parlamento Nacional agradece ba programa ne'e hodi hametin liu tan cooperação entre Parlamento Nacional ho Parlamento Austrália iha futuro mai.





Notícias em Destaque

Parlamento Nacional continúa halo aprova Orçamento ba ministério sira iha Especialidade

Parlamento Nacional iha loron 20 fulan dezembro tinan 2018, continua halo debate no aprova ba proposta Orçamento Geral de Estado 2019 nian ba ministério sira iha especialidade.

Iha discussão ne'e aprova ona Orçamento ba Ministério dos Transportes e Telecomunicações ho 40 votos a favor, 12 contra no 2 abstenções; Ministério do Turismo, Comercio e Industria, ho 37 votos a favor, 2 contra no 18 abstenções; Ministério da Agricultura e Pescas, ho 44 votos a favor, 2 contra no 18 abstenções; Ministério da Defesa, Incluindo F-FDTL, Ministério da Defesa, Excluindo F-FDTL, ho 57 votos a favor, 0 contra no 7 abstenções; Ministério do Interior, Incluindo PNTL, Ministério do Interior, Excluindo PNTL, ho 54 votos a favor, 0 contra no 10 abstenções; Ministério do Petróleo e Minerais, ho 41 votos a favor, 21 contra no 3 abstenções; Tribunais, ho votos 54 a favor, 0 contra no 11 abstenções; Procuradoria Geral da República, ho 55 votos a favor, 1 contra no 9 abstenções; Provedoria dos Direitos Humanos e Justiça, ho 50 votos a favor, 0 contra no 15 abstenções; Comissão Anti-Corrupção, ho 54 votos a favor, 0 contra no 11 abstenções; Comissão da Função Publica, ho 56 votos a favor, 0 contra no 9 abstenções; Universidade Nacional de Timor Lorosa'e (Serviço e Fundo Autónomo com Receita Própria), ho 52 votos a favor, 0 contra no 13 abstenções; Arquivo e Museu da Resistência Timorenses (Serviço e Fundo Autónomo), ho 49 votos a favor, 0 contra no 15 abstenções; Conselho de Imprensa (Serviço e Fundo Autónomo), ho 46 votos a favor, 0 contra no 28 abstenções; Instituto de Apoio ao Desenvolvimento Empresarial (Serviço e Fundo Autónomo), ho 45 votos a favor, 0 contra no 19 abstenções; Agencia de Promoção e Exportação

de Timor Leste –Trade Invest Timor-Leste (Serviço e Fundo Autónomo), ho 56 votos a favor, 0 contra no 7 abstenções; Serviço de Registo e Verificação Empresarial (Serviço e Fundo Autónomo), ho 56 votos a favor, 0 contra no 7 abstenções; Instituto de Pesquisa, Desenvolvimento, Formação e Promoção do Bambu (Serviço e Fundo Autónomo), ho 42 votos a favor, 0 contra no 21 abstenções; Centro de Formação SENAI (Serviço e Fundo Autónomo), ho 47 votos a favor, 0 contra no 16 abstenções; Policia Científica de Investigação Criminal (Serviço e Fundo Autónomo), ho 59 votos a favor, 0 contra no 4 abstenções; Hospital Nacional Guido Valadares (Serviço e Fundo Autónomo), ho 61 votos a favor, 0 contra no 2 abstenções; Serviço Autónomo Medicamento e Equipamento de Médicos (Serviço e Fundo Autónomo), ho 60 votos a favor, 0 contra no 3 abstenções; Laboratório Nacional (Serviço e Fundo Autónomo), ho 60 votos a favor, 0 contra no 3 abstenções; Centro Nacional de Reabilitação (Serviço e Fundo Autónomo), ho 56 votos a favor, 0 contra no 7 abstenções; Instituto de Gestão de Equipamentos (Serviço e Fundo Autónomo), ho 51 votos a favor, 0 contra no 12 abstenções; Administração dos Portos de Timor Leste (Serviço e Fundo Autónomo), ho 50 votos a favor, 1 contra no 12 abstenções.

Debate ne'e hahú iha 09h12 no encera iha 18h31 no sei continua halo debate no aprovação ba orçamento ministério sira seluk iha loron 21 fulan dezembro tinan 2018.

Debate ne'e preside hussi Presidente do Parlamento Nacional em exercício, Maria Angelina Sarmiento Lopes, acompanha hussi membro Mesa sira no hetan presença hussi Primeiro-Ministro, Taur Matan Ruak, no membro sira Governo nian.

Notícias em Destaque

Parlamento Nacional aprova ona OGE 2019



Parlamento Nacional liu hussi sessão Plenária extraordinária iha loron 22 fulan dezembro tinan 2018, aprova ona Orçamento Geral de Estado tinan 2018 nian, ho 40 votos a favor, 25 contra no 0 abstenções. Discussão OGE 2019 ne'e hahú iha loron 6 too loron 22 fulan dezembro tinan 2018.

OGE 2019 ne'e ho montante inicial \$1.827 milhões de dólares. Durante discussão liuliu iha especialidade mossu proposta aditamento, alteração inclui transferência balun hussi dotação ida ba dotação seluk iha orçamenta ne'e hodi sa'e ba \$2.132 milhões de dólares.

Hafoin votação final global, Presidente do Parlamento Nacional fó tempo ba bancada parlamentar sira hodi hato'o declaração de voto no discurso hussi Primeiro-Ministro.

Ho aprovação iha final global ne'e, Comissão de Finanças Públicas sei halo redação final antes entrega ba Presidente do Parlamento Nacional no ikus mai liu hussi Decreto Parlamento Nacional haruka ba Presidente da República.

Discussão ba OGE 2019 ne'e preside hussi Presidente do Parlamento Nacional, Arão Noé de Jesus, acom-

panha hussi membro da Mesa sira, no hetan presença hussi Primeiro-Ministro, Taur Matan Ruak, no membro Governo tomak.



Notícias em Destaque

Presidente Parlamento Nacional entrega presente natal ba orfanato sira



Presidente do Parlamento Nacional, Arão Noé de Jesus da Costa Amaral, acompanha hussi membro da Mesa sira entrega presente natal ba orfanato sira iha vida fraterna ISMAIK Loes Município Liquiçá, orfanato St. Terezinha do Menino de Jesus, no orfanato Lar Bom Samaritano Lauala Gleno Município Ermera.

Atividade fahe presente natal ne'e hala'o durante loron rua, hahú iha loron 28 too 29 fulan dezembro tinan 2018.

Orfanato sira iha Vida Fraterna ISMAIK ne'e hamutuk na'in 40 ho idade hussi tinan 4 too 17, orfanato sira hussi St Terezinha do Menino de Jesus ne'e hamutuk na'in 35 ho idade hahú hussi tinan 1 too 17, no orfanato La Bom Samaritano hamutuk na'in 80 ho idade hahú hussi 12 too 17.

Durante entrega presente natal, responsável sira orfanato nian apresenta mós dificuldade sira ba Presidente do Parlamento Nacional ho nia comitiva hodi bele informa ba Governo.

Presente natal ne'ebé entrega hanessan necessidade

básico, inclui orçamento balun hodi tulun orfanato sira ne'e.



Notícias em Destaque

Orfanato Lar Bom Samaritano Lauala Gleno



Presidente Parlamento Nacional Participa iha Inauguração Ró NRTL Kay Rala Xanana

Presidente do Parlamento Nacional, Arão Noé de Jesus da Costa Amaral, participa iha Cerimonia Inauguração ba Ró NRTL Kay Rala Xanana, iha loron 30 fulan dezembro tinan 2018.

Iha cerimónia ne'e Presidente do Parlamento Nacional sai hanessian inspetor ba cerimónia refere iha quartel Policia Unidade Marítima.

Iha discurso Presidente do Parlamento Nacional agradece ba Governo Republica Popular da China ne'ebé contínua hatudu nia compromisso hodi apoio instituição segurança nacional.

Esposa Presidente da República, Cidália Lopes Nobre Mouzinho Guterres, mak sai hanessian madrinha ba Ró NRTL Kay Rala Xanana ne'e.

Participa iha cerimónia ne'e mak hanessian Ministro da Defesa e Ministro Interior Interino, Embaixador China, Comandante Geral da PNTL no Chefe Casa Militar do Presidente da República.



Notícias em Destaque


Presidente Parlamento Nacional halo reunião ho Embaixador União Europeia

Presidente do Parlamento Nacional, Arão Noé de Jesus da Costa Amaral, halo reunião ho Embaixador da União Europeia, Alexandre Leitão, iha loron 31 fulan dezembro tinan 2018, iha Gabinete do Presidente do Parlamento Nacional.

Mesmo loron feriado, Embaixador da União Europeia sente honrado hodi bele marca audiência ho Presidente do Parlamento Nacional, atu discute assunto cooperação entre União Europeia ho Parlamento Nacional.

Durante reunião, identifica área importante sira hodi bele implementa iha cooperação ne'e.

Iha loron hanessian, Presidente do Parlamento Nacional acompanha hussi membro da Mesa sira, inclui Deputado sira participa iha comemoração Loron Herói Nacional no aniversário ba dala 40 Presidente Nicolau Lobato nia tinan mate, iha rotunda Presidente Nicolau Lobato Comoro Díli.



Notícias em Destaque

Presidente do Parlamento Nacional acompanha hussi membro da Mesa sira, inclui Deputado sira participa iha comemoração Loron Herói Nacional no aniversário ba dala 40 Presidente Nicolau Lobato nia tinan mate





Notícias em Destaque

Próximo Boletim:

Atividade iha Plenária no Comissão sira;

Reuniões de Sua Excelência Presidente Parlamento Nacional nian, conforme iha agenda;

Informações Diversas.

Contactos:

agus.santos@parlamento.tl

guilhermina.barbosa@parlamento.tl

